

閩媛典第二百八十五卷

閩節部列傳一百六十七

皇清十八

刁恂妻鄭氏

按寶應縣志鄭氏刁恂妻恂亡氏年二十餘無子家貧刁族無可依者歸依弟

在湄終身年七十二卒

姜應熊妻姚氏

按寶應縣志姚氏姜應熊妻熊亡氏年二十三守節三十三年卒

朱克邁妻仲氏

按寶應縣志仲氏朱克邁妻邁亡氏年十九守節三十七年卒

趙如奎妻馬氏

按寶應縣志馬氏趙如奎妻奎亡氏年二十六守節三十五年卒

范爾念妻成氏

按寶應縣志成氏太學生范爾念妻念亡氏年二十六守節四十年順治間

旌表

陸金聲妻吉氏

按寶應縣志吉氏陸金聲妻聲亡氏年二十五守節三十八年卒

吳仲妻喬氏

按寶應縣志喬氏吳仲妻仲亡氏年二十五無子依胞弟可聘守節六十二年

卒

喬國顯妻胡氏

按寶應縣志胡氏喬國顯妻顯亡氏年十七苦節四十二年卒

成偉修妻湯氏

按寶應縣志湯氏生員成偉修妻修亡氏年二十三撫二孤于君子親皆入

疊序有聲守節六十年卒

鈕廷勳妻鄭氏

按寶應縣志鄭氏鈕廷勳妻廷勳亡氏年二十七無子苦節四十二年卒

汪國元妻朱氏

按寶應縣志朱氏汪國元妻元亡氏年二十六守節五十一年卒

高爾第妻王氏

按寶應縣志王氏生員高爾第妻爾第亡氏年二十七守節六十五年年九

十二卒

喬最妻徐氏

妾陳氏附

按寶應縣志徐氏生員喬最妻最亡徐年二十五子守謨甫二歲媵妾陳

氏年未二十生女以乳乳守謨奉徐守節女不育徐曰余守節分也汝毋自苦勸之嫁者日衆

媒數數在門陳不從奉徐益謹撫守謨益勤遂相依同老陳年七十徐卒守謨事陳如母

王尙文妻韓氏

按寶應縣志韓氏王尙文妻文沒氏年二十七守節六十餘年年八十有七

卒

陳櫻妻許氏 按如皋縣志許氏陳櫻妻事姑盡孝內外無間言櫻早亡子元祀方四歲許飲冰茹蘆誓死靡他躬親織紉課子讀書風雨晦明咕嗶不輟由是元祀得食餽邑庠氏年九十郡守旌之

胡君輔妻畢氏 按如皋縣志畢氏胡君輔妻年十七歸輔不數年輔死畢年二十家貧無子族叔牧長生子彌月畢請立爲嗣奉姑至孝撫子極慈子奉母訓讀書成名

吳世家妻劉氏 按如皋縣志劉氏吳世家妻世家苦志下帷數奇不售抑鬱以沒子尙襁褓劉哭之哀欲以身殉繼念孤兒及舅姑無倚隱忍強活勉治家事綢繆戶牖凄風苦雨歷五十年教子維翰成立孝著閭里

顧贊臺妻吳氏

媳陸氏附

按如皋縣志吳氏年二十歸顧贊臺方五載臺亡吳年二十五家貧無

子立姪所養爲嗣撫養一如己出教之讀書爲邑諸生養尊喪媳陸氏年二十矢志如姑課子力學以紡績供膏火縣令申請具題建坊

顧文徵妻張氏 按如皋縣志張氏太學生顧文徵妻年十八適文徵甫踰年夫亡無子泣告族長立二子以承夫祀苦節四十六年屏絕鉛華長齋繡佛教子曲盡義方長子天印爲邑諸生前縣令王崧生旌表

周氏女 按如皋縣志周氏女掘港周念劬女也年十七許聘海門張人經未嫁人經死女誓不再字父母曰苦事也恐弗能終以貽口實女曰兒志已堅父曰果爾吾當拜女曰豈有女受父拜者於是往詣張斷髮人經柩前號泣易衰服主內外事力作奉甘旨營夫葬刻木主於寢室朝夕相對如生比鄰張元良者性好善憐其貧與之田三十畝曰生以此養死卽祠祀之秋穫時女至田所夢經語之曰吾汝夫也上帝憐爾苦節謂此地當有不測禍命吾告汝速移女寤歎曰苟無靈不應作此語有靈不可違遂移歸是夜盜至焚劫殆盡女獨得免經有妹將嫁無婢女卽以己婢往經父母戒曰汝苦節如此何忍復奪汝婢乎女曰行吾所安何慙一婢其行事類如此

張素望妻武氏 按鳳陽府志武氏諸生張素望妻望死於前明萬曆四十二年武年二十二

存孤養老歷節五十餘年卒

何澄清妻鄒氏 按鳳陽府志鄒氏何澄清妻年二十五夫亡守節存孤終老

丁爾瞻妻陳氏 按鳳陽府志陳氏丁爾瞻妻夫武舉赴選死於京氏鬻奩迎櫬食貧撫孤歷

四十餘年

韓鳴珂妻方氏 按鳳陽府志方氏韓鳴珂妻年十九夫亡遺女週歲翁姑憐其少令改嫁氏

泣曰烈女豈更二夫遂剪髮示志守節終身

黃國俊妻潘氏 按鳳陽府志潘氏黃國俊妻歸國一載夫亡撫遺腹子矢志守節終其身

李華繼室陳氏 方氏附 按鳳陽府志陳氏李華繼室夫亡孀居五十年孫參前亦早死前妻

方氏妾詹氏俱苦節撫孤冰操若一

戴天晉妻李氏 按鳳陽府志李氏戴天晉妻嫁一年而夫亡氏年二十一撫幼女守節終身

葛秉陽妻吳氏 按鳳陽府志吳氏葛秉陽妻夫隨兄任廣東病死氏鬻衣奩奉柩歸里無子

女苦志終身

鄒延慶妻范氏 按鳳陽府志范氏鄒延慶妻夫亡守節順治十五年有

詔建坊旌表

李良弼妻蘇氏 按鳳陽府志蘇氏李良弼妻年二十九夫亡孝事孀姑守節終老有司歲給

花布終其身

沈桐妻程氏 按鳳陽府志程氏沈桐妻年二十一夫亡家貧父母欲奪其志氏剪髮毀容育孤成立有司旌之

洪日光妻岳氏 按鳳陽府志岳氏洪日光妻夫亡守志苦節三十七年年七十卒

尹恆妻陶氏 按鳳陽府志陶氏尹恆妻順治十八年夫亡氏年二十八翁姑老三子俱幼食貧紡績上養雙親下教諸子拮据萬狀矢死靡他長子迪吉食餼次季亦皆成名氏猶日夕糾督不少縱年五十餘終

閔穀妻張氏 按鳳陽府志張氏閔穀妻生子爾耜未周而穀亡氏事翁姑獨肩殯殮守孤兒成立生四孫媳亡繼娶朱氏尋與子偕喪氏復守孤孫饑荒兵火形影煢子年六十餘終

常秉莊母俞氏 按鳳陽府志俞氏常秉莊母夫亡苦節教子成名

羅朝德妻唐氏

妾杜氏附

按鳳陽府志唐氏羅朝德妻夫亡與妾杜氏年皆二十餘共守節訓子

終其身

楊多引妻何氏 按鳳陽府志何氏楊多引妻年二十六夫亡撫孤歷節四十餘年

楊俊妻魏氏 按鳳陽府志魏氏楊俊妻年三十夫亡二子在抱苦節三十餘年

常懋官妻朱氏 按鳳陽府志朱氏常懋官妻年二十六夫亡撫孤守節終其身

彭世卿妻俞氏 按鳳陽府志俞氏彭世卿妻年二十三夫亡撫孤守節終老不渝

趙偉妻戚氏 按鳳陽府志戚氏趙偉妻年二十七夫亡事翁姑撫幼子苦節三十年終

魏士秀妻李氏 按鳳陽府志李氏魏士秀妻年二十五夫亡苦節撫孤終其身

夏之遴妻陳氏 按鳳陽府志陳氏夏之遴妻年十九夫亡孝養翁姑撫孤守節三十餘年

蕭玕妻李氏 按定遠縣志李氏學博李長庚女進士李式妹年十八適諸生蕭玕越三載生

子良佩甫週玕染銅疾氏親湯藥經年無倦夫沒矢志守貞甘貧苦敬事孀姑教二子成立歷

古今圖書集成
四
冰霜三十年鄉里推服

盛履嘉妻韋氏 按定遠縣志韋氏年十五適諸生盛履嘉嘉患虛損氏日視湯藥備極艱辛及亡誓死守志終身不渝

馬世鎮妻馮氏 按定遠縣志馮氏廩生馮學沂女歸馬世鎮十三載鎮病兩日歿氏年二十八無子苦節終身卒年七十有五

陳國俊妻葉氏 按定遠縣志葉氏陳國俊妻適俊一年生子啟聖未週歲俊病亡氏年十九泣血苦守勉聖就學爲諸生順治間有司旌之

陳三錫妻沈氏 按定遠縣志沈氏陳三錫妻歸陳孝事公姑克盡婦道閱六載夫亡氏年二十四子方二週守節撫孤備歷勤苦姑歿喪具成禮事後姑尤孝後姑年八十四臨終氏猶籲天求代苦節四十一載年六十五終

胡鐫妻方氏 按定遠縣志方氏名之淑勳戚胡鐫妻增廣生日昇女少適鐫事太姑孝順治初勳產廢鐫貧無立錐淑取麥稽爲帽易米以進舅姑舅姑歿鐫亦繼亡淑營喪於先駙馬饗

堂之側朝夕往焚土壘塚或曰塚高矣淑曰及予未亾稍加焉死則已耳會弟譽章歿母黃氏
病危乃歸寧苦節終老

盛履台妻苗氏 按定遠縣志苗氏廣文養民女年十八嫁諸生盛民頌子履台生子廷琅越
二載履台讀書嘔血不起氏焚祝告天願以身代及亡自縊以救免翁姑泣諭撫孤因毀容祝
髮孤寂自苦三十餘年如一日有司旌表

盛於斯妻方氏 按定遠縣志方氏壽春廩生方惟馨女兩廣中丞方震儒孫女也年十七適
本縣淳安令盛履昇子於斯未一載斯病氏親湯藥晝夜不懈及病益劇割股以救終不效而
死氏以奩中金珠衣帛與夫所讀書籍盡納於棺絕食三日翁姑力勸乃強食告廟請於族長
以從姪遇爲後由週歲撫養成諸生氏病媳楊氏割股救之

田旣方妻李氏 按霍丘縣志李氏邑增廣生田旣方妻中丞秀之嫡孫婦寧海守丘之次子
婦也旣方從父任早亡氏年未二十擗踊號泣幾絕而甦遺子二士端士引含哀鞠育督教甚
嚴士端年十九食餼於庠早天士引讀書不成力田養母尋亦喪氏與引妻孟氏泣撫藐孤觀

生兩世苦節艱辛備嘗順治庚子年八十四終

李雲會妻某氏

按霍丘縣志某氏邑民李雲會妻素習內訓克閑有家天啟七年雲邁病不

祿氏矢志撫孤歷冰霜四十年教子若桂擬桂月桂皆成立二孫燦煒相繼爲諸生順治十六年縣令王道弘申請旌之

侯引盛妻陳氏

按太和縣志陳氏秉忠女侯引盛妻年十六適盛生子命新甫三週而夫歿

氏欲殉之姑孟氏勸撫孤以繼宗祀氏從命勤織紡以養姑詩書訓子苦節二十餘年終始如

一

汪滅妻李氏

按太和縣志李氏廩生汪滅妻年二十六夫亡守節教子以義方撫妾子一如

己出鄉黨賢之

范洪升妻孔氏

按太和縣志孔氏生員孔泰寶女范洪升妻升爲寇所殺氏年二十五撫子

守節孝於姑姑勸他適不從與姑終老

朱芾妻陳氏

按太和縣志陳氏生員朱芾妻鄉耆陳萬年女二十夫亡止二女家貧常至絕

糧賴夫兄接武周全得撫養弱女成立苦節四十餘年終

史謙吉妻徐氏

按太和縣志徐氏史謙吉妻廩生徐經濟女歸史未幾夫亡遺腹數月生子

四陽氏甘心苦節矢志靡他撫養幼子終其身歷辛苦二十餘年以疾卒

孫士進妻陶氏

按太和縣志陶氏儒士孫士進妻處士陶繡女年十六歸孫越五載夫亡越

三月生遺腹子聯甲苦志守節撫養成人歷艱苦二十餘年值流寇之變房室盡燬秉節如初
陳蘭舟妻高氏 按太和縣志高氏陳蘭舟妻廩生衍嗣女也年十六適陳兩閱月夫亡氏以
死自誓絕水米三日其祖姑母勸守節氏以無嗣對祖姑母又勸撫姪乃從命苦節三十餘年
教姪環成立補邑諸生題請建坊旌表

周奎光妻徐氏

按太和縣志徐氏周奎光妻適光三載夫亡子方週歲氏年十九矢志守節

貧苦流離不二歷三十餘年如一日

李啟明妻王氏

按太和縣志王氏李啟明妻生員王士俊妹也適李三載夫亡無子女家貧

苦節誓不二庭勤紡績以養姑姑歿依兄終老凡歷艱辛四十餘年

劉國鈇妻范氏

按太和縣志范氏太學生范文煒姊適劉國鈇五年夫亡氏年二十五無子

止一女家貧守節歷四十五年終

阮克慎妻劉氏

按太和縣志劉氏阮克慎妻年十八適慎越五載夫亡乏嗣卽欲以身殉因

翁姑年老不忍棄之紡織以供饘粥苦節六十年年七十八卒

侯引隆妻唐氏

按太和縣志唐氏侯引隆妻唐九榮女也年十八適隆七年而夫亡止遺一

女氏念姑老其夫未得終養苦守以奉甘旨貧苦自安志行益勵數十年如一日

孫士偉妻王氏

按太和縣志王氏生員王懋昭女廩生大生姊孫士偉妻夫亡食貧守志竭

力養親艱苦二十餘載順治三年有司表其門

李若儀妻張氏

按太和縣志張氏稟生張元棟女適江寧訓導李啟引次子若儀甫數月而

寡矢志守節撫遺腹子振蛟蛟歿復撫繼子應宿艱苦三十餘年

侯鴻功繼室劉氏

按太和縣志劉氏侯鴻功繼室年十五適鴻功逾年而孀其母以氏幼而

無子欲奪其志不從柏舟自矢教子成名歷二十餘載終始無二

王汲妻朱氏 按太和縣志朱氏司寇王質曾孫汲之妻年十六歸王生二女越五年而夫亡矢志守節撫女成人冰操四十五年年六十六終

陶錦妻孫氏 按太和縣志孫氏陶錦妻鄉耆孫善學女年十七適錦越二載夫亡子振鷺方一週氏冰霜自矢撫鷺成人後鷺歿復撫孤孫大任克昌其家苦節五十四年年七十三歿上官旌其門

劉三錫妻孫氏 按合肥縣志孫氏劉三錫妻夫亡氏年十六送殯行至河畔魂旛中斷飄揚數里忽而復續越七月生遺腹子應昌未幾翁歿姑病孫刲股和粥以進昏瞶中若有神告曰上帝憐汝爲孝婦特延汝姑壽一紀姑果獲愈應昌亦克成立

劉昂妻方氏 按合肥縣志方氏衛人劉昂妻昂疾藥弗愈氏籲天刲股以進尋亡無子依胞弟方穀茹素禮佛守節終身

張公翽妻程氏 按合肥縣志程氏張公翽妻年二十四夫病刲股進藥及歿家貧措辦棺衾不遺餘力喪葬畢欲以身殉伯姒以子幼力勸乃止躬紡績二十餘年足不踰閭鄰里不聞其

聲

沈應秋妻龔氏

按合肥縣志龔氏生員沈應秋妻龔端毅鼎孳胞妹性甘澹泊夫歿年二十

九翁姑病呼號祈以身代課三子以母兼師女壻許孫荃未遇時氏卽定爲不凡常以簪珥助

膏火後成進士官至參議子沆澍濤由疊序俱貢入成均年七十有二無疾而終學使旌表

董戒母謝氏

按合肥縣志謝氏廩生董戒母性賢淑割股以救姑病夫疾亦如之夫死守節

教子有成年六十四終

王元霖妻陶氏

按合肥縣志陶氏王元霖妻歸二載元霖病亡氏年十九遺孤業光僅三月

氏抱而泣曰吾合死奈老親幼息無託何誓不改節織紉以供甘旨教子成立孀居六十五載

年八十四終

趙親燕妻劉氏

婦魯氏附

按合肥縣志劉氏進士劉濟孫女四歲讀列女傳輒成誦濟撫之曰惜

爲女使爲男將大吾門長適邑庠生趙親燕生子師扑未彌歲城陷夫死遂自縊以救復甦父

開宗泣謂曰兒死奈趙孤何乃矢志育子子長娶婦而亡氏曰吾所以不死者育孤以嗣其宗

耳今若此何以生爲號痛成疾不起年餘終婦魯氏亦不再適送死克當大事艱苦備嘗貞操益篤郡守縣令俱表其門

馬國榮妻王氏 按合肥縣志王氏馬國榮妻夫病刲股進食夫亡苦節事姑姑病至爲嘗糞家甚貧沒齒無二

溫婦閻氏 按合肥縣志閻氏溫姓者妻夫死年二十餘一子尙在襁褓毀容苦節撫子及長又亡復撫二孫力農自給終老

王羹和妻張氏 按合肥縣志張氏王羹和妻和死氏啼曰夫死無子安得獨生親戚進以食強起之於是典衣爲夫殮殯翁姑極暴腐未葬氏急甚里人咸樂助之復辭曰以王氏父母而他人代爲之葬是重吾夫不孝也手殮其骸骨瘞之一婢名採芹感其節不嫁同守終身

李成妻王氏 按合肥縣志王氏儒士李成妻歸未半載成染疾臥牀六年氏刲股二次餌之終不起成死願以身殉旣而曰夫死無子我復死孰奉翁姑遂守焉親族欲移其志引刀自誓終身不易

王端伯妻吳氏 按合肥縣志吳氏儒士王端伯妻端伯早亡二子尙幼家貧苦節年七十一終

崔九妻李氏 按合肥縣志李氏崔九妻夫亡撫遺腹子成立苦守終身年七十一邑令旌表
魏振定妻武氏 按合肥縣志武氏魏振定妻振定死氏殊少痛哭不飲食者五日欲以身殉
姑曰吾老矣爾子尙幼不可死遂苦節三十餘載郡守旌其門

許方谷妻劉氏 按合肥縣志劉氏勳舊劉思泉女中丞許方谷妻谷由工部郎歷官粵西開
府皆夫人佐之年二十七谷亡宦橐蕭然鍼紉以課子讀教孫荃成庚戌進士冰蘖自苦五十
年而卒

孫季穀妻王氏 按合肥縣志王氏儒士孫季穀妻年十八穀死遺一子方在抱壬午寇變城
陷攜子居鄉奉姑郭氏盡孝姑沒或勸改節氏截髮自誓里人嘉其志聞於郡守旌其門卒年
六十一

劉汝惠妻侯氏 按合肥縣志侯氏劉汝惠妻適劉未一載寇變翁姑被害惠枕屍而哭賊併